



Uunga:
Inatsisartuni ilaasortaq
Naaja H. Nathanielsen

§ 37 tunngavigalugu apeqquteqaammut akissuteqaat nr. 001 – Nunasiaanerup nala aamma saammaateqatigiinneq

Naalakkersuisut ulloq 2. januar 2014 Inatsisartut Suleriaasianni § 37 naapertorlugu apeqqut, Inatsisartuni ilaasortamit Naaja H. Nathanielsenimit, Inuit Ataqatigiit, apeqqutigineqartoq tiguaat.

Akissutit apeqqutip kingornaniipput.

1. Naalakkersuisut siulittaasuata inuiaqatigiinni innuttaaqatigiiaat kikkorpiaat imminnut saammaseqatigiittariaqartutut isumaqarfigivai?

13-01-2014
Sags nr. 2014-094075
Dok. nr. 1442517

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Akissut:

Oqallinneq kinaassutsimut, oqaatsinut, inuiaassutsimut, nunasiaataasimanerup nalaanut il.il. tunngassuteqaraangat – taava oqariartuutit sakkortuut, inuiaqatigiinni innuttaaqatigiiaat assigiinngitsut akomanni misigissutsinik aalassatsisartut Naalakkersuisut misigisarpaat.

Taamatut pisoqartarnerani oqaatsit sakkortuut isumatusaanngitsumik atorneqalikkajuttarput. Taamatullu oqallinneq partipolitikerit oqalliseriaaserput eqqarsaatigalugu aaqqiissutissarsiornissaminnut pikkoriffiginerunngisaat. Taamaattumik Saammaateqatigiinnermut Isumalioqatigiissitap inunnit sulinerminnut atatillugu qulequttanik qulaani pineqartunik partiit isumaat apeqqutaatinnagit aaqqissuulluakkamik suliaqarsinnaasunik isumalioqatigiissitap inuttaqarnissaa Naalakkersuisut kissaatigaat.

Taamaattumik Naalakkersuisut Saammaateqatigiinnermut Isumalioqatigiissitap sulinissaani, qulequttanik suliamut attuumassuteqartunik sukumiisumik suliaqarnissami, siumut aalajangereerluni isummersunnginnissaq inassutigissavaat.

Inatsisartuni partiit tamarmik Saammaateqatigiinnermut Isumalioqatigiissitap pilersinneqannginnerani paasiniaavigineqassapput, taamaasillutik partiit isumalioqatigiissitap pilersivinneqarnissaanut aaqqissuulluakkanik siunnersuuteqarnissaannut periarfissaqarniassammata.

2. Misigissutsit suunuku Naalakkersuisut Siulittaasuata isumaa naapertorlugu innuttaasut attorneqaatigisimagaat aammalu nunasiaasimanermit inuit misigissutsikkut anniaatigisaat qanoq kingunerluuteqarsimappat/ersiuteqarpat?

Akissut:

Qulaani oqaatigineqareersut, Saammaateqatigiinnissamut Isumalioqatigiissitap suliaasai siumut nalilersoreernagit, isumalioqatigiissitap suna angussaneraa utaqqimaarusunneruara. Tammana saammaateqatigiinnissamik suliaqarnermi aalajangiisuulluinnartutut isigaara.

3. Naalackersuisut siulittaasuat isumaqarpa inuiaqatigiit kalaallit, qassinik ukioqarneq inuttullu qanoq misilittagaqarneq apeqqutaatinnagit, tamarmik nunasiaasimanermit misigissutsikkut anniaateqartuusut? Imaluunniit imaannerpa innuttaaqatigiiaat akornanni inuit ilaannaat ikiorserneqarnissamik pisariaqartitsinerusut? Taamaassimappat inuiaqatigiinni innuttaaqatigiit sorliit eqqarsaatigineqarpat?

Akissut:

Apeqqutip 2-p akissutaanut innersuussivunga.

4. Naalackersuisut Siulittaasuat isumaqarpoq, nunasiaasimanermit pisimasut saammaasseqatigiissutigineqarnerisigut innuttaasut amerlanerit inuiaqatigiinnut iluaqutaasumik iliuuseqarsinnaangortinneqassasut. Nunasiaasimanerup kingunipiluunik eqqugaasimasunit inuiaqatigiinni innuttaaqatigiit qassimmita Naalackersuisut Siulittaasuata isumaa malillugu ullumikkut inuiaqatigiinnut iluaqutaasumik tunniussaqaqarnissamut akimmisaartinneqarpat?

Akissut:

Inuiaqatigiinni innuttaqarpoq nukittoorujussuarnik. Immalluarsinnaavoq taakkua nunasiaasimanermit attortissimasutut eqqugaasimasutulluunniit misigisimangitsut. Innuttaasut taakkua nukittuut immaqa misigisimapput nammineq inuunerminni saammaateqatigiinnissamik pisariaqartitsivallaangitsut. Tamanna Naalackersuisut akueraat.

Naalackersuisulli eqqumaffiginiarpaat, inuianni kalaallini inuuniarnikkut annertoorujussuarnik ajornartorsiuteqartoq. Ajornartorsiutit taakkua nammineerlutik pingornikuunngillat. Ajornartorsiutit namminneerluta inuiattut pisuussutigavut. Ajornartorsiuteqarporli annertullutillu amerlasuunik, taakkualu toqqaannartumik nunasiaataasimanerup kingunerivai imaluunniit nunasiaataasimanerup kingunerisaasa malitsigalugit. Taakkununga ilanngullugit qulequtaqarpoq arlalinnik, apeqqutip 1-ip akissutaani eqqaaneqartunik, paqumigisaqaratta ataqqinnittumik oqaloqatigiissutigisariaqakkatsinnik.

Saammaateqatigiinnissamut Isumalioqatigiissitaq tamatumingga akuersineruvoq.

Naalackersuisut qularinngilaat, oqaluttuarisaanerput uani pineqartoq pillugu inuiattut eqqartuinissarput immitsinnullu tusarnaarnissarput iluaqutigissagippat – pisortatigoortumik, aaqqissuulluakkamik ataqeqatigiissumillu. Suliap ingerlanerani paasigutsigu, pissutsinik saammaateqatigiinnissamut

illuatungilersuisunik inuiaqatigiinni inuiaallu akornanni piusqartoq, tamakkua Saammaateqatigiinnissamut Isumalioqatigiissitap uparuarsinnaasassavai pissutsillu pillugit inassuteqaateqarsinnaalluni. Naalakkersuisut qularinngilaat, inuiaqatigiit kalaallit saammaateqatigiinnissamik suliaqarnissamut atatillugu nukittunerulissasut, suliaq akuersinissap innuttaaqatigiiaallu inuiaat kalaallit akornanniittuni ataqpeqatigiinnermik nukittorsaanissamut periarfissanik pilersitsissammat.

Immaqa Inatsisartuni ilaasortap isumaqatigissavaannga oqaruma, saammaateqatigiinnissamik suliaqarnerup sunniutaa inuit qanoq amerlatigisut saammaateqatigiinnissamik suliaqarnerup kingunerisaanik toqqaannartumik pitsaanerulersimasutut imminnut oqaatigisinnaaneranun uuttuutaasinnaanera ajornakusuussasoq. Kisianni isumaqarpunga, inuiaqatigiinni innuttaaqatigiiaat akornanni annertunerusumik paaseqatigiinneq, akuersineq ataqpeqatigiinnerlu kikkut tamarmik iluaqutigissagaat. Taamaattumik saammaateqatigiinnissamik suliaqarnerup inuiaqatigiit ineriartornissaannut iluaqutaasussamik innuttaasut akornanni pitsaasumik malunniunnissaa qularutiginnilara.

Tamatuma saniatigut apeqqummut 2-mut akissutinnut innersuussissaanga.

Inussiarnersumik inuulluaqqusillunga
Med venlig hilsen



Aleqa Hammond
Naalakkersuisunut Siulittaasoq